

Obraćanje prvog zamjenika visokog predstavnika Donalda Haysa na sastanku Komisije "Buldožer" sa članovima Parlamenata u Bosni i Hercegovini

Izuzetno sam zadovoljan činjenicom da je došlo do održavanja ovog sastanka i da ste me pozvali da dam nekoliko komentara.

Završili smo prvu fazu. Reforme su vam sasvim jasno prezentirane. Nakon 110 dana rada, poduzetnici Bosne i Hercegovine su istakli niz pitanja i oblasti u kojima je potrebno izvršiti promjene u cilju poboljšanja poslovnog okruženja.

Vi, izabrani predstavnici građana BiH, možete pomoći da se u BiH otvore nova radna mjesta, privuku strana ulaganja, možete omogućiti neophodno povećanje stope izvoza i, na kraju, osigurati više prihoda za građane ove zemlje. Međutim, vrijeme ističe.

Imate priliku da pomognete svojim sunarodnjacima da postanu konkurentni u odnosu na njihove kolege u susjednim zemljama, da se za vaš ulazak u Evropsku uniju pripreme putem stvaranja mogućnosti za uspješno poslovanje.

Procesi koje je pokrenula Komisija "Buldožer" su pokazali da ova Komisija može dati poticaj za odvijanje promjena. Uz vašu pomoć, ona može biti pokretačka snaga koja će ovu zemlju voditi na putu ka stvaranju boljeg poslovnog okruženja. Možete osjetiti snagu ove inicijative. Ova "Buldožer" Komisija savladava poteškoće koje su stvorili prijašnji, zastarjeli

koncepti, uklanja prepreke i utvrđuje kurs za svjetliju budućnost ove zemlje.

Ovo je bosanskohercegovački proces koji su oblikovali poduzetnici Bosne i Hercegovine a koji sada dalje vode zastupnici u Parlamentima u Bosni i Hercegovini.

Dakle, smatrajmo ovo prvom grupom od 50 reformi. Nakon njih moraju uslijediti i uslijediti će dodatne reforme. One su normalan dio strukturalnih promjena koje se moraju provesti u poslovnoj klimi Bosne i Hercegovine.

Ne trebamo podcijeniti hitnost potrebe za provođenjem ovih reformi. Međutim, vrijeme nije na vašoj strani. Ukoliko se tempo reformi ne ubrza, privreda Bosne i Hercegovine će se suočiti sa ozbiljnim posljedicama. Ovo je teška, ali neizbjegna istina. Desetine hiljada vaših sunarodnjaka su nezaposleni ili nedovoljno plaćeni. Oni više niti jedan trenutak ne mogu i ne smiju čekati na promjene koje će otvoriti vrata za nove mogućnosti.

Ali pogledajmo stvari sa pozitivne strane – reformama se neće samo spriječiti kolaps, nego će reforme najaviti početak ere prosperiteta. Vi uvodite tu eru.

Svi znamo šta je potrebno preduzećima:

- Potreban im je jedinstven ekonomski prostor
- Potrebna im je liberalizacija i pragmatična i brza privatizacija
- Potrebno im je brzo i transparentno rješavanje privrednih sporova
- Potrebno im je manje birokratije a više efikasnih organa vlasti koji imaju razumijevanja za promoviranje investicija i izvoza
- I potrebni su im evropski standardi u svim oblastima počevši od izdavanja certifikata pa do kreditiranja i registriranja preduzeća.

Da li je sve ovo teško osigurati? Ne mora biti. Ne postoji izgovor kojim organi vlasti mogu opravdati svoj propust da poduzetnicima osiguraju normalno i održivo poslovno okruženje koje je u drugim evropskim zemljama uobičajena praksa. Ukoliko VI budete uspješti i oni će uspjeti, a ukoliko oni budu uspješni doći će do otvaranja novih radnih mesta i osiguranja prosperiteta.

To je ono što svi želimo.

Mislim da današnja sjednica označava ogroman korak naprijed u nastojanjima da ovaj zajednički cilj postane naša stvarnost.

Više od stotinu poduzetnika koji su sudjelovali u ovom procesu su danas ovdje sa nama – ovdje u ovoj prostoriji.

Najveći dio ove prostorije zauzimaju predstavnici iz Narodne skupštine Republike Srpske, Parlamenta Federacije BiH i Parlamenta Bosne i Hercegovine.

Ovdje, u ovoj sali, imamo sve elemente koji su nam potrebni za otpočinjanje novog dijaloga u ovoj zemlji – dijaloga između snaga koje su pokretači privrednog rasta – poduzetnika, i onih koji taj privredni rast mogu podržati – političkih vođa ove zemlje. Ova dijalog je neophodan u svakoj uspješnoj tržišnoj ekonomiji.

Na vama leži odgovornost da učinite stvari drugačijima. Kao što je Mahatma Gandhi rekao: "Moraš postati promjenom koju želiš vidjeti u svijetu".